

БӨЛІМ: ЖАЛПЫ РУБРИКА

Нан дастарханға қалай келді

ЖАРИЯЛАНДЫ
28.01.2020СІЛТЕМЕ
https://bilimger.kz/90785/*Айналамен таныстыру*

Сабақтың тақырыбы: «Нан дастарханға қалай келеді?»

Мақсаты: Дән тұқымымен танысу, бидайдан нан жасалатынын айта отырып, дастарханға жеткенге дейінгі істелетін еңбек мазмұнымен, қолданылатын техникалардың аттарымен таныстыру.

Дамытушылық мақсаты: Балалардың ақыл — ой белсенділігін арттыру. нақыл сөз, мақал — мәтел арқылы тіл байлығын дамыту.

Тәрбиелік мақсаты: Берілген тапсырманы орындауға, еңбекқорлыққа тәрбиелеу, нақыл сөздердің тәрбиелік мәнін түсінуге талпындыру. Үлкендердің еңбегін бағалай білуге тәрбиелеу.

Жаңа сөздер: наубайхана, диірмен, комбайн, дихан, элеватор.

Әдіс — тәсілдер: түсіндіру, сергіту, ойын, әңгімелеу, сұрақ — жауап.

Көрнекі құралдар: Еңбек адамдарының суреттері, нан түрлерінің суреттері, нан, бауырсақ, ойынға дидактикалық құралдар, ұн, смайлик.

Пәнаралық байланыс: тіл дамыту, бейнелеу, сауат ашу, математика

Сабақ барысы: Ұйымдастыру.

1. Амандасу
2. Сұрақ-жауап.

— Балалар, қазір жылдың қай мезгілі?

— Қыс мезгілінен кейін қай мезгіл келеді?

— Көктемде қандай өзгерістер болады?

3. Міне, біздің алдымызда дастархан жаюлы тұр. Оның үстінде нандарды көріп тұрсыңдар. Енді біз осы дастарханға нан қалай келетінін мына суреттерден көретін боламыз.

4. — Көктемде мына суреттегі тракторлар жерді жыртып, жерге мынадай бидай дәнін себеді. (балаларға бидайды көрсетеміз)

— Диханшылар жаз бойы егілген дәндерді суарып, күтіп — баптайды. (дихан сөзіне

түсінік беріп кетеміз)

— Күз болғанда жайқалып, бидай өсіп шығады. Өсіп шыққан бидайды комбайншылар орып, машиналарға салып береді. (комбайн сөзіне тоқталып кету)

— Көліктер оны элеваторға тасиды. Элеваторда бидайды жылдап сақтауға болады. (элеватор сөзіне тоқталу)

— Қажет бидайды диірменге апарып, одан ұн жасап шығарады. (диірмен сөзіне тоқталу) Балаларға ұнды көрсетеміз.

— Дайын болған ұннан наубайханаларда түрлі нан өнімдерін шығарады.

— Міне, балалар, біздің дастарханымызға нан осындай көп еңбектің арқасында келеді екен.

Тақтадағы ұннан жасалған өнімдер туралы суреттерге тоқталу.

5.Дидактикалық ойын: «Қайсысы артық?»

Ойынның шарты: Берілген суреттердің ішінен нан өнімдеріне жатпайтын тағам түрлерін шығарып тастаулары керек.

6.Сергіту сәтті

Жайқалады ақ бидай

Басын иіп аққудай.

Трактор мен комбайн

Жүргізуге мен дайын

7.Дидактикалық ойын: (тақтамен жұмыс) «Дұрыс орналастыр»

Ойынның шарты: Ұн, тоқаш, нан суреттері беріледі.

8. Айналамен таныстыру әліппе — дәптерінен берілген тапсырманы орындау.
Балаларға бидайдың суретін салғызу.

Жұмбақ жасыру:

Ұзын мұртты сарылар

Қойнында дәні бар. (бидай)

Бидай — пшеница.

Нан — хлеб;

9. *Мақал- мәтелдер*

10. Нан- тамақтың атасы

11. Ас- атасы нан

3 Еңбектің наны тәтті, жалқаудың жаны тәтті

4 Дастархан көркі — нан

5 Дастарханында нан жоқтың, Тамағының дәмі жоқ

10. *Тыйым сөздер:*

Нанды аяқ астына тастама.

«Жерде жатқан нанды еңкейіп ал.

Дәнді шашпа, нанды баспа.

Нан – Қасиетті дәм, онымен ойнауға болмайды

11. *Дидактикалық ойын: «Тез ойла» (Мамандық түрлері атау.)*

- Жерді жыртады.
- *Трактор*
- Егілген дәндерді суарып, күтіп-баптайды.
- *Диқаншы*
- Бидайды орады, бастырады.
- *Комбайншылар*
Бидайды жылдап сақтайтын жер .
- *элеватор*
Бидайдан ұн жасайтын адам.
- *Диірменші*
6 Нан пісіреді.
- *Наубайшы*
Ыстық нан қайда түседі .
- *дүкенге*
Анамыз ұннан не пісіреді?

Бауырсақ, шелпек, нан, тоқаш

12. *Сергіту сәтті*

- Нан қиқымын шашпаңдар,
Жерде жатса баспаңдар.
Теріп алып қастерлеп,
Торғайларға тастаңдар.
- **ҚОРЫТЫНДЫ БӨЛІМ.**
— Балалар біз есімізге түсірейікші ақ бауырсақ, тәтті тоқаш, батондар біздің дастарханға келу үшін қандай жолдардан өтеді екен?
— Сол үшін қаншама адам жұмыс істеп, тер төкті, қане есімізге түсіріп атап кетейікші

Тракторшылар, комбайншылар, наубайшы, дүкеншілер
— Сондықтан қаншама адам күні — түні еңбек етіп, тер төккен қасиетті нанды
біз қадірлеуіміз, қасиеттеуіміз керек.

ҚМ АА Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.